



Komunikadu Imprensa
Parlamentu Nasionál
28 Outubru 2020

PN aprova rezolusaun ba medida prevensaun sira iha kazu infantisídiu no abandona bebe no labarik

JSMP apresia no husu entidade sira implementa rekomendasaun sira ne'e

JSMP apresia ho inisiativa no vontade di'ak husi deputadu Parlamentu Nasionál ne'ebé iha Kuarta-feira 28 Outubru 2020, liuhusi reuniaun plenária extra-ordinaria aprova ona projetu Rezolusaun Nú 59/V(3a) kona-ba rekomendasaun sira* ba Governu atu adopta medida prevensaun sira iha kazu infantisídiu no abandona bebe no labarik.

“JSMP apresia no konsidera inisiativa parlamentu nasionál hodi aprova rezolusaun ne'e atu bolu antesaun ba entidade hotu tantu Governu, instituisaun judisiáriu sira, inan-aman, família no igreja atu hola medida preventiva nune'e bele minimiza inflasaun kazu infantisídiu no abandona bebe no labarik liuhusi medida sira ne'ebé rekomenada ona iha rezolusaun ida ne'e,”dehan Diretora Ezekutivu JSMP, Sra. Ana Paula Marçal.

JSMP mós apresia as tebes ba Vise-Presidente Parlamentu Nasionál, Sra. Maria Angelina Lopes Sarmiento ne'ebé uza dados JSMP nian iha plenária nu'udar referensia ida ba deputadu parlamentu nasionál atu aprova rezolusaun ne'e.

Kazu hirak ne'e mak hanesan kazu abandona família hamutuk kazu 271 (tinan 2015-2020), kazu infantisídiu hamutuk kazu 21 (tinan 2018-2020) no kazu incestu hamutuk 34 (tinan 2018-2020).

Antes ne'e, iha JSMP nia relatóriu sira sempre rekomenada ba Ministéiru Públiku no Tribunál atu konsidera no aplika sentensa ho karakter ne'ebé proteje fetu sira. Katak la'os fetu mak úniku sai arguida maibé tenke investiga mós autór seluk ne'ebé iha ligasaun ho kazu ne'e. Aleinde ne'e rekomenada mos atu Estadu kria kondisaun ba fetu sira ne'ebé isin rua tanba insidente (kebetulan), tanba sira mós nu'udar vítima ba hahalok mane irresponsável sira nian.

* Rekomendasaun sira ne'e sei publika iha jornal da república, <http://www.mj.gov.tl/jornal/> iha parte Rezolusaun Parlamentu Nasionál

Krime infantisídiu nu'udar krime ne'ebé seriu, tanbá ne'e presiza mekanizmu apropiadu atu prevene krime infantisídiu no salva labarik sira-nia vida durante partu ka hafoin partu. Protesaun ne'e persiza iha kolaborasaun husi entidade hotu; Governu, Sosiedade, liu-liu família atu prevene krime ne'e.

Iha kazu sira abandona labarik ne'ebé barak akontese, lei fó dalan tantu krime no sivil atu husu responsabilidade inan ka aman ne'ebé abandona sira ninia oan.

Rezultadu votasaun ba projetu rezolusaun ne'e aprova ho votu sira afavór 38, kontra 0 no asbtein 0, husi total deputadu prezente na'in 38.

Atu hetan informasaun kompletu bele kontaktu:

Ana Paula Marçal
DiretoraEzekutiva JSMP
Email: ana@jsmp.tl
Telefóne: 3323883 | 77040735
Website: <http://jsmp.tl>

Rua Beco Lakateu, Aldeia Manufuik,
SukuColmera, Administrativu Vera Cruz
Dili Timor Leste
PoBox: 275
Telefone: 3323883 | 77040735
www.jsmp.tl
luis@jsmp.minihub.org
Facebook: www.facebook.com/timorleste.jsmp
Twitter: @JSMPtl